

12.

Q. D. B. P.

DISSERTATIO INAUGURALIS IVRIDICA  
DE

REI

SVB PACTO RESERVATI  
DOMINII VENDITAE  
PERICVLO

QVAM

SVB DIVINIS AVSPICIIS  
DECRETO ET AVCTORITATE  
MAGNIFICI

ICTORVM ORDINIS  
IN ACADEMIA PATRIA

PRO LICENTIA

SVMMOS IN VTROQUE IVRE HONORES  
ATQVE PRIVILEGIA RITE CAPESSENDI  
PVBLICO ERVDITORVM EXAMINI

AD D. XXII. OCTOBR. A. R. S. MDCCCXXXVIII  
SVBMITTET

WILHELMVS FRIEDERICVS LINK  
ALTORFINVS.

---

ALTORFII

TYPIS IOH. GEORGII MEYERI ACAD. TYPOGR.



RECEIVED 11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

11.11.1911

SACRI ROMANI IMPERII  
PERILLVSTRIS AC LIBERAE  
REIPVBLICAE  
NORIMBERGENSIS  
SENATV  
SPLENDIDISSIMO  
PERILLVSTRIBVS AC GENEROSISSIMIS  
DOMINIS DOMINTS  
DVVMVIRIS  
TRIVMVIRIS  
SEPTENVIRIS  
CONSVLIBVS  
SENATORIBVS  
PATRIBVS PATRIAE OPTIMIS  
DOMINIS SVIS  
BENIGNISSIMIS

DIVINI NVMINIS  
IN REGENDA REPUBLICA AVXILIUM  
SVCCSSVS CONSILIORVM FELICISSIMOS  
VITAE  
INCOLUMIS ATQVE LONGISSIMAE  
INCONCVSSAM TRANQVILLITATEM  
GENTIVM ILLVSTRIVM  
SPLENDOREM PERPETVVM  
CIVIVM  
SALVTEM ET INCREMENTA

DEVOTA MENTE  
ADPRECATVS

SPECIMEN HOC INAVGVRALE

IN SIGNVM  
PERENNIS OBSEQVII  
DEMISSE OFFERT

TANTORVM MAECENATVM

CVLTOR OBSERVANTISSIMVS

AVCTOR.



DISSERTATIO INAUGURALIS IVRIDICA  
 DE  
 REI SVB PACTO RESERVATI  
 DOMINII VENDITAE PERICVLO.



§. I.

Tſi latiore verborum, quae thema Notiones primariae Thematicae. nostrum ingrediuntur, expositio-  
 ne supersedere poſſimus, cum  
 quivis liber legum elementarius  
 eam ſuppeditet; pauca tamen,  
 ne in logomachiam incidamus,  
 praemonenda duximus. Emtio et venditio eſt con-  
 ventio, qua id agitur, ut rei dominium certo pretio  
 in alium transferatur. Dominium nobis tribuitur, ſi  
 alios ab uſu rei noſtrae excludere poſſumus; ſi libere  
 de eadem diſponimus; ſi eam amiſſam vindicamus;  
 ſi non ſolum commoda ex ea percipimus, verum etiam  
 incommoda ſuſtinemus et pericula. Fieri poteſt, ut  
 venditor ſibi dominium in re vendita reſervet, donec  
 pretium fuerit exſolutum.

A

§. II.

§. II.

Quid ius Naturae  
ac Civile Rom.  
de commodis  
et periculis rei  
venditae  
statuat?

Lex ista, ad quam non docti, sed nati sumus, postulat, ut, simulac emptio perfecta fuerit, atque adeo dominium in emptorem transierit, ad eundem et emolumenta, et damna cuncta, spectent. Sed Iure Civili Romano cautum, ut periculum et commodum rei venditae perfecto contractu statim ad emptorem trans-eat; tamen si, qui nondum rem emptori tradidit, adhuc ipse dominus sit, usque dum pretium ab emptore exhibeatur, vel huius fidem sequatur venditor. §. 3. *L. de E. V. §. 41. de R. D. L. 8. pr. P. de peric. et rei vend. L. 19. P. de E. E.* Quum negotiorum Iuris non tam dura sit indoles, ut nullo modo mutari flexive possint; voluntati legislatoris singularia statuentis saepius obtemperatur. Quin et inter nos, quibus obsequii gloria relicta, convenit interdum, ut sub certa lege rei venditae dominium maneat penes venditorem, commodum tamen ac periculum sit penes emptorem, veluti formulam exhibet E. D. BECKIUS, Antecessor quondam in hac Altorfina Celeberrimus, in Formulari p. m. 304. et 363; ut dominium quidem trans-eat in emptorem, commodum tamen ac periculum pertineat ad venditorem; ut denique dominium cum periculo transeat in emptorem, commodum tamen pertineat ad venditorem. Vid. PERILI. L. B. DE WOLFF. *Iur. Natur. P. IV. §. 1126.* Quae si dilucide definiantur, nulla altercandi causa nos sollicitabit. Proinde SCHILTERUS, STRYKIVS, alique, de damno imprimis ferendo singulari pacto provideri volunt. Hoc enim neglecto, (ut homines suis tantummodo commodis student) nemo non casus molestiam a fortunis suis avertere conatur.

§. III.

Vbi Venditor expresse sibi dominium reservavit, disputatum est: annon in emtorem dominium trans-  
tulerit? Quid, disputatum est, ais? Gerrae! Domi-  
tiana quaestio tolerabilior erat. Sed disputatum est.  
Nodum in scirpo quaerit PETR. FRANC. DE TONDVT.  
*tract. de Praevent. Indic. P. I. Const. 31. n. 23. sequ.*  
tum ita differit: „ si simpliciter dominium in instru-  
„ mento fuerit reservatum, nec adiectae tales clausu-  
„ lae, quae demonstrant, animum venditoris fuisse,  
„ ut illa reservatio produceret dumtaxat effectum spe-  
„ cialis hypothecae, dominium remanet penes ven-  
„ ditorem; secus, si post domini reservationem ap-  
„ ponantur verba et clausulae, ostendentes, partes  
„ habuisse animum solam hypothecam et privilegium  
„ praelationis adversus alios emtoris creditores refer-  
„ vandi: tunc enim dominium, non obstante reserva-  
„ tione, transfertur in emtorem, et reservatio vim  
„ saltim habet specialis hypothecae. „ Sed durum  
est, hisce artificiis cuivis occasionem praebere, do-  
minium, quod mihi perspicue retinui, laceffendi, id-  
que hypothecam appellandi.

An nullum do-  
minium in em-  
torem trans-  
feratur, ubi  
vendedor istud  
retinet?

*Amphora coepit*

*Institui, currente rota, cur urceus exit?*

Moderatius de dominio reservato sentit HERTIVS. Hertii distin-  
Ictus aeterni nominis, in Disquisitione de reservatione  
dominii vel hypothecae in re vendita Sect. I. §. 7. Ratio Domini  
Ordinarii et  
Subsidiarii,  
„ Distinguendum autem videtur, inquit, inter domi-  
„ nium ordinarium et subsidiarium. Illud reapse ma-  
„ gis penes emtorem existit, quippe qui fructus omnes  
„ ex re emta percipit, et eandem quoque vindicare

A 2

potest,

„ potest, si ad alium pervenerit. Hoc penes vendito-  
 „ rem manet, sed intuitu imprimis, creditorum emto-  
 „ ris. „ Verum, certam huius domini distinctionis  
 rationem non video. Eam subsidio venire oportebat,  
 ut dominium emtori vindicaretur. An emtor rem  
 vindicare possit, dispiciemus §. XVIII. Nonnullos in  
 huius Viri Eruditissimi sententiam pedibus ivisse, quis  
 dubitet? Quis inficietur, dominium vario modo re-  
 stringi posse? Sed an, et qua ratione restrictum fuerit,  
 id probandum, non fingendum est.

§. IV.

Iure Civili res  
 emtori non  
 ante adquiri-  
 tur, quam pre-  
 tium solutum  
 fuerit.

Multos, contra, lux rationis ita circumdedit, ut  
 principiis certis (§. I. et II.) obedire mallerent. SCHILTE-  
 RVS, *Juris Antistes Gravissimus, Exercitat. XXX. ad P.*  
 §. 55. reservato dominio possessionem tantum transi-  
 re in emtorem existimavit. Iam praevideo scrupu-  
 lum. In emtione venditione id agitur, ut dominium  
 alteri tradatur (§. I.) Emtor igitur in possessione non  
 acquiescet. Respondeo: non acquiescere iubetur in per-  
 petuum, sed donec pretium solverit. Haec non adeo  
 paradoxa videntur, siquidem Imperator ipse §. 41. *I. de*  
*R. D.* statuit: „ Venditae res et traditae non aliter em-  
 „ tori adquiruntur, quam si is venditori pretium solverit,  
 „ aut alio modo ei satisfecerit; veluti expromissore aut  
 „ pignore dato; quod, quamquam cavetur ex *Lege XII.*  
 „ *Tabb.* recte dicitur et Iure Gentium, id est, Iure Natu-  
 „ rali id effici. „ Emtio perfecta habetur, quando de con-  
 sensu, merce, ac pretio, constat. Itaque traditio non  
 tam ad perficiendum, quam ad exsequendum contra-  
 ctum requiritur. Iure Naturali, perfecta conventionem,  
 emtor statim dominium nanciscitur. Quod si igitur  
 vendi-



venditor id tantisper, dum pretium solutum fuerit, retinere velit, primario contractui hoc pactum adiacendum est.

§. V.

Verum id ipsum vexat interpretes. HUBERVS in *Quomodo emtio sub pacto reservati domini conditionata dici possit?* *Praelect. ad Pand. tit. de C. E. §. 12. ex clausula* subiecta reservati domini et possessionis, donec pretium fuerit solutum, satis apparere putat, priorem domini translationem esse conditionalem, scilicet: si pretium solutum fuerit. Idem tuentur ALTOGRADVS *Libr. I. Cons. 9. nr. 15. squ.* CARPZOVIVS *Libr. I. Responsor. Elect. Resp. 108. nr. 15. squ.* Atqui sic per pactum reservati domini emtio pura in conditionalem abibit? Hoc vetat HERTIVS, hoc vetat LAVTERBACHIVS. Pactum, quod diximus, emtioni conditionem adinungere, frustra negabis. Idcirco tamen conditio ista contractus perfectionem (puritatem non appello) non convellet. Sponsalia conditionata sunt perfecta, neque enim ab istis temere recedere possumus, sed eventus expectandus est. Legere memini, Incluto huius Academiae Ictorum Ordini litem fuisse oblatam, quae emtione praedii satis perfectam, multisque solennitatibus celebratam, exagitabat: sed emtioni clausula accesserat: *Das bisz zur gänzlichen Zahlung des Kauffschillings nebst allen Schäden und Kosten dem Verkäufer das dominium plenum cum omni causa et iure vorbehalten bleibe.* Venditor retinebat dominium, retinebat etiam possessionem, percipiebat fructus; emtio tamen perfecta censebatur. Vix putaveris, dominio pleno cum omni causa et iure retento, venditae rei periculum ferre recusasse vendito-

rem. Recusavit, atque opem a Iure Romano atque Hertiana distinctione dominii ordinarii et subsidiarii petiit. Sed perperam, de quo nunc paulo accuratius dispiciendum.

§. VI.

Anceps disputatio, uter, pacto, quod ponimus, adiecto, periculum ferre debeat, emtor, an venditor?

Non theoreticis argutiis haec disputatio terminatur, sed in foris frequenter dirimendum est: uter contrahentium, emtor an venditor, reservato dominio, pericula sustinere debeat. Ut quisque sectam, nisi lex scripta adsit singularis, tenet, ita iudicabit. ILL. BOEHMERVS. in *Introduct. ad Ius Dig. tit. de C. E.* „§. 31. reservato dominio, inquit, periculum rei „venditae de Iure Germanico ad venditorem spectare „volunt, cum Iure Romano emtorem sequatur. Quid igitur statuendum sit, non definitur.

§. VII.

Cur emtor periculo subiciatur?

Multi emtorem periculis ferendis subiiciunt, sanctione Iuris Civilis adiuti, quam §. II. attulimus. Si quaeras: cur emtori casus incommoda assignentur, respondendum foret: quia dominus est rei emtae, res autem perit suo domino. Cave, ita respondeas, nam ex principiis Iuris Romani (§. II) nondum dominus est. Verior est ratio, HERTIVS ait, *cit. loc. §. 14.* cum multis aliis, quod, emtione perfecta, venditor sit certae rei debitor, qua casu fortuito perempta, liberatur ab obligatione. Ut verum fatear, nescio, quorsum haec pertineant. Nescivit et PVFENDORFVS de *Iure Natur. et Gent. L. V. cap. 5. §. 3.* cuius verba nostra facere liceat. „Neque ad rem facit, quod „promissor speciei eius interitum non praestet, iuxta „Leg. 33. L. 83. §. 7. ff. de V. O. L. 30. §. 4. ff. ad Leg. „Falcid.

„*Falcid. L. 18. in fin. ff. de dolo malo.* Nam promissarius  
 „erat rem acquisiturus titulo lucroso; ubi absurdum et  
 „iniquum futurum erat, si, cum promissor certam spe-  
 „ciem promississet, ea perdita, istius insuper aestimatio-  
 „nem cogeretur praestare, id quod negotii natura, quae  
 „strictam requirit interpretationem, minime admittit.  
 „Ait quare heic emtor, cui nondum a venditore ex con-  
 „tractu debita exhibitio facta est, recareat, et venditori  
 „insuper pretium solvat? addatur *FRIESII Disp. de peri-  
 „culo rei venditae et nondum traditae thes. 28.* Venditor non  
 „tenetur praestare casum fortuitum, ita, ut emtori non  
 „sit ius, vel ad rem extinctam, vel ad interesse agendi,  
 „non vero, ac si venditor pretium lucrari posset. Prae-  
 „terea, pergit *HERTIUS*, commodum omne ad emtorem  
 „spectat: sentiat igitur etiam damna. Pone, non spe-  
 „ctare commoda, possessionem a venditore retentam fu-  
 „isse, periculum tamen venditor in emtorem reicere la-  
 „borat. An emtor fructus re ipsa in utilitatem suam ver-  
 „tat, apparebit *§. XVII.* Iniquum foret, instat *HER-  
 TIVS*, spactum illud, quod in favorem venditorum  
 „adiicitur, in odium eorum vellems detorquere.  
 „Replio: iniquum foret, si in favorem venditoris  
 „emtore iniuriam inferremus. Interim facile largior,  
 „hanc sententiam statutis publicis probari posse, quae  
 „Iuris Explanatorum cohors sancto silentio merito sus-  
 „picit ac veneratur. Ne specimen desit, evolvatur  
 „*ORDINATIO PROVINC. DVCAT. MAGDEB: cap. XXII. §. IV.*  
 „ubi: *wenn aber der Verkäufer ihne bey der gerichtlichen*  
 „*Auflassung die Possess und das Eigenthum an dem Verkauften*  
 „*Stück Guth vorbehält, bis die Zahltermine und Tagzeiten ab-*  
 „*gelaufen, und das völlige Kaufgeld erlegt, und innittelfst das*  
 „*verkaufte Stück, welches dem Käufer mit obigen Vorbehalt,*  
 „*gericht-*

gerichtlich übergeben, in desselbigen Besiz; auch obn sein Verschulden verlobren gebet, so soll nichts desto minder der Käufer den Schaden gelten.

## §. VIII.

Cur venditor?

At secta contraria, quae notionibus magis determinatis delectatur, non habet quod metuat. Aeternus canon: res perit suo domino. Sit venditor dominus, sit emtor, res domino perit. Quirites in emtione venditione dominium a necessitate casus adversos ferendi seiunxere, sed manifestum est, ipsos ex arbitrio dominium mutilasse. Si emtor dominium non consecutus fuerit, antequam pretium exhibuerit, non opus erat pacto reservati domini.

Legum Romanarum dissensio.

Quid, si monstraverim, nec Latii leges hac in re inter se consensuisse. PAVLVS *Leg. 14. §. 1. de peric. et com. materia emta*, si furto periisset, ait, postquam tradita esset, emtoris esse periculo respondit, sin minus, venditoris. Notissima etiam *Lex est 33. Loc. Cond.* ubi AFRICANVS:

De interpretatione leg. 33. loc. cond.

„si fundus, quem mihi locaveris, publicatus sit, teneri  
 „te actione ex conducto, ut mihi frui liceat, quamvis  
 „per te non stet, quominus id praestes. Quemadmo-  
 „dum, si insulam aedificandam locasses, et solum corru-  
 „isset, nihilominus teneberis: nam etsi vendideris, mihi  
 „fundum, isque priusquam vacuus traderetur, publi-  
 „catus fuerit, tenearis ex emto, quod haftenus verum  
 „erit, ut pretium restituas, non ut etiam id praestes, si  
 „quid pluris mea intersit, cum vacuum mihi tradi.  
 Haec CUIACIUM *ad Africanum Libr. VIII.* permove-  
 runt, ut emtorem periculo liberaret, atque adeo sen-  
 tentiam rationi magis consentaneam amplecteretur.  
 Plurimis Interpretibus fundus ob delictum in leg. 33,  
 cit. publicatus fuisse, ideoque periculum manere de-  
 bere

bere venditorem, videtur. Sed ex verbis: *quamvis per te non stet*, argumentari licet, fundum sine culpa venditoris publicatum, ac forte ab hostibus captum, et in publicum redactum fuisse, qua de re olim inter Antonium Matthaeum et Iulium Pacium controversia agitabatur. In notis GOTHOFREDI ad hanc legem a distinctione stricti Iuris et aequitatis auxilium petitur: „Atqui res perit domino, fundus autem emptoris fuit ante traditionem, l. 8. de peric. et statim periculum dicitur ad eum pertinere, §. 3. l. de emt. Cur tam varie? non ideo, quod in Institutionibus regulae iuris, et sic summum ius tradatur, in Pandectis aequitas; nam idem in leg. 8. de peric. deciditur, sed quod utrobique est, ex stricto Iure, hic ex aequitate. „HOTOMANNVS in Epit. de peric. et commod. rei venditae, ingenue fassus est, non satis hac de re inter Ictos convenisse. „NOODT in Comment. ad Pand. pag. 416. sequi in dicta lege exceptionem a regulis Iuris admittit, propter iniuriam, venditori, re salva, humano facto contingentem, nulla aut naturali, aut civili ratione, cur iniuria ei facta eius personam egrediatur. Alias causatum species, quae emptorem damnis non onerant, iam praeterimus. Vide, si placet, FRIESII diff. de periculo rei venditae et nondum traditae, thes. 19. BALTHASAR. Pract. Resolut. tit. 6. ref. 5.

§. IX.

Quum Germani, simpliciori rationis legi dediti, emptione perfecta dominium ad emptorem pervenire existimarent: non nisi singulari pacto, dominium, si quando vellent, retinuerunt. Vbi Romana pacta venditoris periculo subiecere (subicere enim potuerunt); idem nos agimus, dum reservamus dominium, quod

Ius Naturae venditori dominium retinenti periculum quoque attribuit.

B

etiam

Sententia  
GROTIJ.

Eiusque Com-  
mentatorum.

ZIEGLERI.

etiam damnum devoret necesse est. Quam ob rem  
SCHILTERVS non adeo a ianua aberravit, cum pactum  
nostrum non ex solis Romanorum scitis, sed ex lege  
naturae aestimandum esse censuit. Iam magnus ille  
GROTIUS *de Iure B. et P. l. II. c. 12. §. 15.* vim iuris  
nobis insiti senserat: „Quodsi actum sit, ait, ne sta-  
tim dominium transeat, obligabitur venditor ad dan-  
dum dominium, atque interim res erit commoda et  
periculo venditoris. Quare, quod venditio et em-  
tio constat praestando, ut habere liceat et evictio-  
nem, item quod res periculo est emptoris, et ut fru-  
ctus ad eum pertineant, antequam dominium trans-  
eat, commenta sunt Iuris Civilis; quod nec ubique  
observatur: imo plerique legum conditoribus pla-  
cuisset, ut ad traditionem usque res commoda et  
periculo venditoris sit notavit *Theophrastus*, in loco  
qui apud *Stobaeum* est. At nonnullos Grotiani libri  
commentatores, lex Romana tam vehementer fa-  
scinat, ut eandem a natura dictatam fuisse credant.  
CASP. ZIEGLER *in not. ad Grotium pag. 349.* Ita Sub-  
stantia obligationum, qualis hic ex emtione et  
venditione nascitur, non in eo consistit, ut aliquod  
corpus faciat nostrum, sed ut alterum nobis adstrin-  
gat ad dandum aliquid, vel faciendum, vel praestan-  
dum. *l. 3. ff. de O. et A.* Non igitur propterea rei  
venditae periculum ante traditionem ad emptorem  
spectat, quia dominus est, sed quia venditor post  
contractum perfectum respectu emptoris non tam ut  
dominus, quam ut debitor potius consideratur, et  
quidem certae speciei, nimirum rei venditae, qua  
absque illius dolo et culpa intereinta seu perditam  
omnino ab obligatione liberatur, eodem modo,  
quo

quo promissor speciei eius interitum minime praestat, qui ad stipulatorem spectat, licet dominus non sit. l. 30. §. 4. ff. ad Leg. Falcid. l. 18. inf. ff. de dol. mal. l. 33. l. 83. §. 7. de V. O. Non igitur hoc est a mero iure Civili, quod vult Grotius. Hoc argumentum retudimus §. VII. Promissorem certae speciei interitum eius non praestare concedo; sed an pretium rei, sub lege domini reservati venditae, ac mox extinctae, venditori solvere teneatur emtor (hoc enim est periculum ferre) id disquiritur. Nobis negandum videtur. TESMARVS *In Comment. ad Grot. c. 1.* TESMAR, Ziegleri sententiam non reprobat, sed potius STRUVII *Syn- tagma Iur. Civil. tit. de peric. comm. etc. §. 97.* vult inspicere. STRUVIUS autem veterem cantilenam repetit, <sup>Oplato</sup> STRUVII. eamque sic explicat „dicis: hoc solum ita intelligendum, quod non teneatur alter, qui ob casum tradere nequit; nec eo extendendum, quod in hoc contractu emtor, etiamsi rem non accipiat, nihilominus solvere pretium debeat. Verum, cum non tantum alias id, quod casu quis praestare impeditur, pro praestito habeatur; l. 3. §. 3. *vers. sed si stichus.* §. 4. *de condict. causa dat. caus. non sec. i. pen. C. eqd. d. l. 5. d. l. 11. l. 1. §. 13. de extra. cogn. sed in ipso hoc contractu id quoque locum habet iuxta l. 5. ff. de rescind. vend. ac emtor statim potuerit, ac debuerit rem avocare et pretium solvere, quo facto res apud emtorem periisset, et omnia etiam commoda ab ipso contractus tempore percipiat, (d. §. 3. *vers. nam et commodum*) ipsaque causa ex qua emtori dominium comperit, perfecte iam adsit, et nihil aliud restet, quam iuxta istum contractum facienda traditio, ad quam paratus est venditor, modo emtor offerat pretium*

„tium; l. 13. §. 8. de act. emt. adeoque etiam quo-  
 „dammodo in mora sit emtor: ideo periculum rei  
 „merito ad ipsum spectat. „ Etsi *Struvius* in hac thesi  
 „nihil de reservato dominio differat, in sequenti tamen  
 „thesi 98. emtori, nostro etiam pacto emtioni adiun-  
 „cto, periculum adiudicat. Tum fallitur, cum rem  
 „emtore ideo perire putat, quod iste rem statim avo-  
 „care et pretium solvere potuerit. Non spectatur,  
 „quid emtor facere potuerit, sed quid intercedente pa-  
 „cto, aliquamdiu omittere fas fuerit. Si emtor in  
 „mora solvendi esse videtur, venditor certe etiam mor-  
 „ram in exsequendo contractu committit; poterat enim  
 „sibi alia conditione, quam retento dominio, provi-  
 „dere. Dum **GVNDLINGIUS** *Iur. Nat. c. 24. §. 10.* Grotii  
 „assertionem recenset, verba Grotii: *Quodsi actum sit,*  
 „*ne statim dominium transeat*, non satis perpendit, id  
 „quod ex glossa ipsius colligimus: „Quamquam  
 „enim verum est, vendito genere, nihil perire emto-  
 „ri; vereor tamen, ne falsus sit, si vendita sit spe-  
 „cies. Potius id arbitrariae legi, aut paciscenrium vo-  
 „luntati tribuendum est, si ad traditionem usque res  
 „venditas commodo et periculo venditoris esse velint.  
 „Vt taceam de mero iure naturali dominium sine  
 „traditione posse transferri. „ Haec non declarant,  
 „quid *Gundlingius* de periculo statuerit, quando ven-  
 „ditor sibi reservavit dominium. Nec III. **HEINECCIUS**  
 „in *Element. Iur. Nat. et Gent.* pacti nostri mentionem  
 „facit. Ea, quae *lib. I. §. 353.* legimus, in scholio:  
 „nos generatim emtori periculum attribuimus cui-  
 „us in arbitrio fuisset, rem emtam, soluto pretio sta-  
 „tim accipere, „rem nostram non tangunt. Adda-  
 „tur **PERILL. WOLFFIUS**, *cit. loc. §. 1125.* **THOMASIUS** quo-  
 „que



que in *scholio ad Huberi Praelect. tit. de C. E. §. 12.*  
nobis suffragatur, pariter ac *Huberus ipse. Thomasius* THOMASII  
rationes ita subducit: „Quidquid sit de pura aut con-  
ditionali emtione, pro *Carpzovii* sententia et illa  
„militat regula iuris naturalis, quod res pereat sup-  
„domino, ex hoc iure in Corpus Legum Roma-  
„narum translata. Non obstat igitur: periculum  
„emtione perfecta, statim ad emtorem spectat,  
„ante traditionem, ubi etiam non est dominus,  
„ergo multo magis periculum eius erit post tra-  
„ditionem. Nam si antecedens de praesenti casu,  
„ubi scilicet pactum emtioni de dominii retentio-  
„ne est adiectum, intelligatur, et illud negamus:  
„sin de emtione in genere, nego consequentiam.  
„Cur enim in emtione communi dominium ad em-  
„torem transeat, non opus est, ut ad vulgarem  
„rationem recurramus, quod dominus sit debitor  
„speciei, sed manemus potius in ratione generali  
„ac naturali: res perit suo domino, quae regula,  
„cum naturalis sit, declarationem etiam et exempla  
„desiderat ex iure naturali petita. - - - Inde etiam  
„periculum in emtione regulariter emtoris est. Inde  
„denique, si pacto dominium sibi retineat, ven-  
„ditoris erit. „CARPZOVIVS l. I. Resp. 108. istam, CARPZOVII  
cum ipsius rei ideis magis congruentem, sententiam Responsum.  
in foro receptam esse testatur. Quum Responsum  
istud a legum commentatoribus frequentissime ad-  
ducatur, nostraeque causae figuram dilucide propo-  
nat, idem hic reddere liceat. *Habt ihr im August a.*

1636. *euer in der Lorenz-Gassen zu Meissen gelegenes  
Wohnhaus, mit allen Ein- und Zugehörungen, Heinrich  
Althecken auf Mablín, vor und um 1300. fl. Kauffgelder,*

solches mit 100. fl. Michaelis 1636. 400. fl. Ostern, und wiederum 400. fl. Michaelis 1637. zu bezahlen; käufflichen zugeschlagen, dasselbe auch ihm so bald eingeräumt, und in Besitz gegeben, welches Käufer bezogen und bewohnt. Nachdem aber Käufer weder mit dem ersten noch andern termin inne gehalten, immittelst aber bey dem Schwedischen Einfall im Jun. 1637. die Stadt Meissen zum Theil im Brand gesteckt, darunter auch zwey verkaufte Häuser verderben, und in die Asche gelegt worden; ist er ferner nicht gemeinet seinem Versprechen nachzukommen, und die Kauffgelder abzustatten, fürgehende, daß der Schade des eingestörten Hauses über Euch als Eigenthum Herrn geben müsse. Ob ihr nun wohl darwider einwendet: daß der Kauff einmal richtig geschlossen und vollzogen gewesen, derowegen, Innhalt kundbarer Rechte, das periculum dem Käufer anheim kömmt, zumahl, weil in gegenwärtigen Fall er in mora solvendi gewesen, und weder dem ersten noch andern Termin die Kauffgelder richtig erlegt, und abgestattet. Dieweil ihr aber dennoch bey solchen Kauff bis zu Befriedigung des Kauffgeldes das dominium und Eigenthum des verkauften Hauses ausdrücklichen euch vorbehalten, in welchen Fall der Kauff-Contract pro conditionali venditione zu achten, und derowegen der Total-Ruin des verkauften Guts ante conditionem existentem, dem venditori zuwächst; der Zahlungs-Verzug auch allhier Käufern nicht schädlich seyn kann, alldieweil ihr ihm den ersten Termin um Verzinsung gutwillig zugestanden, der andere Termin aber, wenn er gleich zu rechter Zeit erlegt worden wäre, die translationem domini, und purificationem venditionis nicht gewürcket, alldieweil das Eigenthum bis zu Abtragung des letzten Termins, und endlicher Bezahlung der vollständigen Kauffgelder vorbehalten worden, immittelst aber, und vor Verfließung des letzten Termins, der Schade entstand-

ten

ten, und das Haus abgebrant set. Als mag auch obberührter Käußer den Schaden zugehen, und die versprochene Kaufsgelder der 1300 fl. zu zahlen, nummero beständiger Weise nicht angehalten werden. V. R. W.

## §. X.

Nunc operae pretium erit, Iura Tentonica paullo diligentius explanare, quae nobis eo cariora, quo propiora sunt. Emtionem conventionem de re et pretio absolvi, maiores nostri, perinde ac alii Populi existimant. Si quis documenta desideret, is splendidam BALVZII legum antiquarum Collectionum adeat.

Sanctioes  
Antiqui Iuris  
Germanici.

Latius de venditionibus cavet LEX RIPVARIORVM Tit. LIX. Si quis alteri aliquid vendiderit, et emtor testamentum venditionis, accipere voluerit, in mallo hoc facere debet, et pretium in praesente tradat, et rem accipiat, et testamentum publice conscribatur. Et si quis in posterum hac refragari vel falsare voluerit, a testibus convineatur, aut Cancellarius cum sacramento interpositione, cum simili numero, quorum roboratum est, idoneum confirmet. Ex his etiam apparet, venditionem rerum immobilium apud acta non firmatam, vix ratam fuisse. Vnde Resignatio Iudicialis, quam et IVS PROVINC. SAXON. l. I. art. 51. et art. 9. l. III. art. 4. et hodie alia multa Statuta exigunt. Hoc robore emtioni nondum addito, ista quidem perfecta, sed dominium interea temporis penes venditorem manet. LEYSER, Medit. Spec. 446.

Ius Provinc.  
Alamannicum.

IUS PROVINC. SVEVICVM. pag. 271. edit. Berger: emtione, numeris suis completa, damnum (cum dominio) in emtorem transfert, licet res nondum tradita fuerit: Gib ich einem Mann ein Gut zu kauff, und gibt er mir seinen Wert dran, und das Gut bleibet in meiner Gewalt, und wird

wird es mir gestohlen, der Schad ist sein, und mein nicht, hab ich sein gebütet, als ich von recht solt. Quae Legibus sancita fuerunt, eorum usum permulta superiorum saeculorum documenta comprobant. Equidem vetustarum tabularum argumenta plerumque ad liberalitatem religiosi domibus indultam, spectant; interdum donator rei suae usum fructum ad vitam retinet: At nec permutationum, nec emtionum formulae rarae sunt. Emtionibus pacta varia adijci solent. Exemplum pacti retrovenditionis occurrit in IOANNIS Spicilegio tabularum litterarumque veterum. p. 303. Noverrint universi presencium inspectores, quod ego Wipertus de Seyne illam suam medietatem advocacie in Kessentbeyn, quam mihi vendidit Nobilis Vir, Dominus Gotfridus iunior de Ep-pinsstein, debeo sibi, et suis heredibus, dum eam a me repetierint, propter Deum revendere pro centum marcis denariorum legalium numeratorum, sicut ego ab ipso comparavi eandem; et ipse ac sui heredes dictam medietatem advocacie recemere poterunt, quocunque anno voluerint, cum suis propriis denariis, infra Domini natiuitatem et Pascha. In cuius rei testimonium sigilla Domini abbatis de Seyne, et Hermannii de Wil-landisdorff Militis presentibus sunt appensa. Datum anno Domini MCC septuagesimo quinto, tercio Kal. Martii. Add. pag. 400. Dabimus etiam specimen pacti, periculi ab emtore expresse suscepti ex Selectis Iuris et Historiarum Ill. SENKENBERGII. Tom. 4. pag. 194. Ez ist auch be-  
redt und getoydingt daz der obgenant Pharrer daz egenant trayd uns zu unsern handen in seinen Pharrhof liegen lassen sol, Im ane Schaden ob daz geschebe davor Got sy daz ebain fewr oder ander Schade aufkeme in demselben Pharrhof oder in der Stat daz des der obgenant pharrer und sein Erben unegolten sein sullen. Haec et aliarum gentium scitis illu-

illustrari possent, si thema praeter necessitatem amplificare constituissemus. Pauca tantum repetamus ex IOH. SKENAEI *Reg. Maiest. Scotiae libr. III. cap. II. de periculo rei emtae, et Warantizatione eiusdem*. Periculum autem rei emtae et venditae illum generaliter respicit, qui eam tenet, nisi aliter inter eos convenerit... Warantizare autem emtori et eius heredibus venditor et eius heredes tenentur rem venditam, si fuerit res immobilis, et inde ponatur in placitum, eo modo quo supra dictum est in tractatu de Warantis.

# §. XI.

Sed ne nos antiquiora diutius morentur, Iura <sup>Constitutio Iu-</sup> hodie in Germania vigentia perlustremus. IVRE PRO-<sup>ris Bavarici.</sup> VINC. BAVARICO tit. VI. art. 5. cautum: *Auch wenn der Kauff nicht lediglieb, sonder auf künftige Geding und Fäll wäre beschloffen worden, denn in solchen Fällen liegt die Gefahr des verkauften Gucts dem Verkäuffer ob, und ist er den Schaden zegelten und zebueffen schuldig.* Atqui pactum reservati dominii conditionem continet, (S. V.) Ergo res perit venditori. Cum his concordat l. 8. pr. ff. de peric. et commod. Pendente conditione periculum interitus est venditoris. Forsan existimabis, Leges istas emtionem imperfectam ponere? Si id quod venierit, appareat, quid, quale, quantum sit, et pretium, et pure venit, perfecta est emtio per l. 8. de peric. et comm. Sic manifestum est, quae sit emtio imperfecta. Dabo, emtionem ex tua sententia esse imperfectam, hactenus tamen periculum est venditoris. At imperfecta non est; Nam, si extet res, recito verba leg. 8. cit. licet deterior effecta, potest dici esse damnum emtoris. Id sane dici non posset, si emtio nondum perfecta fuisset. Alia est conditio, quae ipsa

C

emtio-

emtionis substantialia distrahit, si v. c. Titius se rem venditurum esse affirmat, sed eventum aliquem expectandum esse. Per me hanc emtionem imperfectam dicas, ego spem dumtaxat emtionis cerno; ad summum cerno pactum de emtione aliquando ineunda. Alia conditio emtioni consensu, merce et pretio, consistenti, hoc est, perfectae, additur, quae sane substantiam emtionis non turbat, cuius generis sunt pacta quaedam emtioni adiici solita, quae hanc ob rem ad naturalia illius contractus referuntur. Venditoris et emtoris voluntas, certa merx, definita pecunia, emtionis substantiam constituunt. Traditio et pecuniae numeratio naturalibus huius contractus recte annumerantur, de quibus varia variis pactis disponi possunt. Nota est Distinctio conditionis *suspensivae et resolutivae*, quae nostra dilucidare posset, si sibi semper in Iure constaret. HERTIVS cit. loc. et in votis ad Puffendorffii Ius Nat. et Gent. lib. V. c. 5. §. 3. triplici adspectu emtionem venditionem censerit putat perfectam, qua conventionem, qua obligationem, et qua implementum. Ego non nisi unam perfectionem, conventionis scil. agnosco; reliquas non requiro, sed acquiesco in nota distinctione contractus perfectionis et executionis.

§. XII.

Iuris Provincialis  
Palatinatus  
Superioris.

Constitutioni Iuris Bavarici assentiri videtur IUS  
PROVINCIALE PALATINATUS SUPERIORIS P. II. tit. VIII.  
*Es wäre denn, daß in dem Kauff, anders bedingt, oder der  
Verkauffer an der Lieferung binderlich gewesen. Verba:  
anders bedingt ita capio, ut vel periculum expresse, vel  
dominium generatim a venditore reservatum fuerit.*

Hoc

Hoc autem istud inferre arbitramur. (§ VIII.) Praeterea venditor damnum sentit, si traditionem impediverit, (*binderlich gewesen*) Nonne etiam reservatum dominium impedimento est, quominus emtor re possit uti pro arbitrio? Non putas, quia emtor id approbavit. Imo approbavit, sed venditoris periculo. Cur hic emtoris fidem non secutus est? Cur non aliam Cautionem ab emtore postulavit? Sed provocas ad Ius Civile, quod emtorem incommodis subiicit. Nego, expresse reservato venditori dominio, Ius Civile, vel potius Commune, damnum emtoris esse statuere. Icti hac de re inter se disceptant, hoc certum est, sed emtor stolidus foret, si damnosam sententiam sibi approbaret: nam in causâ dubiâ emtor perniciofa interpretatione onerandus non est. Hanc ob rem in IVRE MUNICIPALI BOHEMICO H. 18. cautum: ut, si quid dubii deprehendatur, id venditori, non emtori obesse. Ceterum ista LEX PROVINCIALIS PALATINA latius explicatur: *So aber auf Geding und Condition verkauft, ist der vor der condition dem verkauften Gut zugestandene Schaden und Untergang des Verkäufers, die Aergerung aber und Verbesserung des Käufers.* Sic igitur l. 8. pr. ff. de peric. firmatur, de qua disputavimus, §. XI.

### §. XIII.

REFORMATIO NORICA tit. 16. leg. 2. itidem damnum in emtorem redundare iubet, nisi aliud pacisci placuerit. *Wenn ein Kauff umb ein Gut, on besonder Geding bewilligt, angenommen vnd beschloffen würdet, was dann dem erkaufften Gut an Pesserung oder Nuzung zugeet, das alles stet dem Käufer zu. Herwiederumb, so an dem erkaufften Gut Schaden geschehe, den ist der Käufer zu tragen auch schuldig, vngeacht, ob ihme gleich das erkaufft gut noch nit zuge-*

Reformationis  
Noricae.

stellt oder eingekauft worden. Es wäre denn, daß der Verkäufer in Überantwortung des Guts seumig oder ver hinderlich gewesen; oder sonst Gewerde gepraucht, oder an solcher Beschädigung Schuld bette, alsdann sol der selbig Schad ihm, und nit dem Käufer aufgelegt werden. Venditor noxam luit, quando in mora fuit: Atqui fuit in mora transferendi dominii; ob pactum, quod ponimus; Ergo huc repetas, quae §. anteced. commentati sumus. ANTIQVIVS REFORMATIONIS NORICAE exemplum anni 1503. distinctius de periculo sanxisse videtur. tit. 28. leg. 9. So yemandt ichts kauft, das bewerung bedarff, vñlt dasselb erkaufft Gut vor vñ eedā es beweret, vñ in des Käuffers Gewalt oder Gewere geantwurt, geergert oder beschedigt wirdt, so tregt der Verkäufer sollichen Schaden, vñ nit der Käufer. Es wäre dann, daß der Käufer darin Söwinnuß ihet. Aber in ander verkaufte habe, die der bewerung nit bedarf, da tregt der Käufer die Wagnuß außserhalb gewerds vñ verschuldung des Verkäuffers. Wirdt aber sollichs in abrecht des Kauffs anders bedingt, da bey sol es zurvorn bleyben.

# §. XIV.

Necivs Provinc.  
Wurtenbergici.

Necivs PROVINCIALE WURTENBERGICVM P. II Tit. IX. art. von Schaeden und Nutzen des verkauften Guts, a statutis, quae modo indicavimus, dissentit, nisi quod alia rerum venditarum immobilium, alia mobilium, ratio habeatur. Wenn man fahrende baab verkauft, so bald der Kauff bescheben, stebet dem Käufer nicht allein aller Nutzen des verkauften Guts zu, sondern der Käufer muß auch allen Schaden, so die verkaufte baab empfangen, tragen, ob ihm gleich das verkaufte Guth noch nicht zugestellt: Es wäre denn, daß im Kauff etwas anders bedingt, vñ abge redt; oder daß der Verkäufer die Überlieferung gehindert, einen betrug begangen hätte, oder daran schuldig wäre. Da aber



aber liegende Güter verkauft, soll der Käufer, wann der Kauff ordentlich insinuirt, oder die zur insinuation bestimmte Zeit der vierzehn Tagen verflossen, den daran erfolgten Schaden leiden, wie auch den Nutzen haben. Cf. etiam IVS PROVINC. BADENSE P. IV. tit. 8. §. 5. sequ.

§. XV.

ORDINATIO PROVINCIAL. NASSOVIO - CATIMELIB. Iuris Provinc.

P. I. c. 2. §. 7. periculi reservati ita meminit: *Wäre es aber fact, daß bey der Abhandlung der Verkäuffer alle Gefahr bist zur Lieffernung auf sich genommen, oder aber, wie er um die Lieffernung angelangt worden, dieselbe zu thun verzogen hätte, so ist er in beyden Fällen den Schaden zu tragen schuldig.*

§. XVI.

ORDINATIO PROVINCIALIS SOLMENSIS P. II. tit. 10. Iuris Provinc.

§. 4. REFORMATIO FRANCOFVRTENSIS P. II. tit. 2. §. 7. Iuris Solmenfis, Reformationis  
IVS MUNICIPALE LUNEBVRGICVM P. II. tit. 2. Venditorem ad damna ferenda adstringunt, quando fuit in mora tradendi. Iuris Lunenburgic.

§. XVII.

Tot Provinciarum ac Civitatum statuta convocanda erant, ( convocari possunt, si libet, plura ) ut ostenderemus, pericula in venditorem, rei venditae dominium sibi reservantem, redundare. Ita sane interpretandas duximus Leges patrias, ne vel normae nobis innatae, vel Iuris analogiae adversentur. Vsum contrarium, si quis alleget, is cum probare debet. Damnorum sarcina domino merito imponitur. Facessat igitur venditoris favor, emptori gravis! Nescio, cur hanc dominii notam quidam Ictorum

An fructus ad  
emtozem  
pertineant?

operose tollant, relinquant ceteras. Aequum est, inquis, ut is, qui commoda sentiat, ferat et incommoda; atqui emtor, cet. Ergo cet. Nego minorem. Quid? nemo eam in dubium vocavit. Sed vocari debet. Primum venditores interdum sibi rei venditae possessionem una cum dominio reservant, tunc fructus emtor percipit nullos. Deinde dabimus, utilitates rei emtori assignari, quid inde? putasne, id sibi lucro cedere? Conductori aedium nostrarum usus conceditur, sed mercedem exigimus. Memento *legis 21. ff. loc.*, „convenit, ut, donec „pecunia omnis persolveretur, certa mercede emtor „fundum conductum haberet. „ Obligatus itaque (utor verbis *FRIESII in dissertat. de pacto dominium in emtione vendit. usque ad pretii solutionem reservante, thes. 30.* qui antea emtori etiam pericula obtruserat) est „emtor solvere venditori ex re vendita usuras quincunces, loco interesse, quamvis ex re vendita tot „fructus, qui ad quantitatem usurarum quincuncium „ascenderent, non perceperit, (egregia commoda!) „ob perpetuas incertitudines, quae in iudiciis oborirentur, si ad fructuum perceptorum vel percipiendorum rationem respiciendum sit: quotusquisque enim non obverteret, se tantundem fructuum „ex re vendita non percepisse, quantum ad solutionem usurarum sufficiat. „ Quaerebatur: an usurae istae pretii non soluti simul cum sorte pari privilegio prioritatis gaudeant? affirmatur quaestio: venditor „enim (*IOH. GOTTL. OSANN in diss. de pacto reservati dominii in venditione usque ad pretii residui solutionem, thes. 26.* ait) cum interim usu rei suae carere cogatur, usuras non ut lucrum, sed tamquam fructus rei

facit

*suae* persequitur, uti pluribus deducunt CARPZOV. *P. I. c. 28. d. 167. cet.* Vbi venditor usuris pretii neglectis, emtori fructus simpliciter relinquit, ideo se non abdicat dominio, sed humanitatis documentum in emtorem confert. Ex his etiam perspicuum erit, qua ratione thesaurus in re emta inventus acquiratur emtori. Acquiritur potius rei venditae, ex qua em-  
tor eo, quem diximus, modo, capit fructus, quam-  
quam multi venditori thesaurum in re vendita ante  
traditionem (cur non et pacto reservati domini pendente?) inventum vindicant.

Quid de The-  
sauro?

§. XVIII.

Quum dominus iure suo sibiumat rei vindicationem, dubium non est, quin et venditor dominium sibi reservans rem venditam a quocunque possessore possit vindicare. Hac in re nobiscum consentiunt etiam illi, qui venditori dominium verum, pacto nostro adiecto, non relinquunt, aut certe emtori damna imponunt. Quamobrem non est, cur hunc domini characterem latius exponamus. vid. OSANN *cit. loc. thes. 23.* HERTIVS quidem emtorem rem, cuius dominium venditori reservatum, vindicare posse existimavit, loco §. III. indicato; sed sibi adversatur in verbis §. 15. *sect. II.* dictae Disquisitionis: „postremum, agenti venditori ob reservatum „dominium rei vindicatione contra tertium, non „potest obijci exceptio excussionis. „ Vbi venditori pretium offertur, actio adversus emtorem, ac rei vindicatio cessat. Neque venditoris interest, unde emtor pecuniam comparaverit; nam ex ipsa re iterum vendita eam comparare potuit. Sed, qui rem, cuius

An vendens  
sub pacto no-  
stro habeat rei  
vindicatio-  
nem.

cuius dominium nondum habuit, potuit vendere? Primum cum TITIO *in observat.* 312. *in Pufendorffium de officio hom. et civ.* respondemus: ius alienandi ex dominio non promanare necessario. Etenim domini quidam res suas vendere nequeunt; aliis, qui domini non sunt, vendere licet, v. c. creditoribus pignora. Deinde emtor ex contractu perfecto, sed conditione quadam implicato, ius quoquo modo emtionem exsequendi consequitur. Ac venditor denique exceptione illicitae alienationis ideo non potest uti, quia statim, ut emtor pretium exsolvit, is dominus factus est, qui rem iterum vendere non prohibetur.

# §. XIX.

Venditor pacti  
nostri auxilio  
rem suam  
extra concur-  
sum repetit.

Inde venditori istud etiam emolumentum, quod dominium ipsius quam maxime prodit, oritur, quod nimirum rem suam sub hoc pacto venditam extra creditorum emtoris concursum repetere possit. Iterum hoc negari nequit ab iis, qui venditoris verum dominium insectantur; hoc etiam probari posset, si nondum satis constaret, ex multis constitutionibus concursum creditorum ordinantibus. Ab hac sententia me non avocant placita quaedam vel superiorum, vel Ictorum, quae venditorem, dominium rei venditae sibi reservantem, creditoribus primae classis annumerant. Nominabo CARPZOVIVM, cuius opinionem *P. I. c. 28. d. 12. sequ.* alii amplexi sunt. Si vocabulum creditoris in ampliori significatione assumatur, non est, quod in verbis haereamus. Sed rectius cum ANTONIO a MARA *in tract. de Concurf. Creditor. lib. I. tit. i. §. 18.* venditorem nostrum ad personas, quae in concursu creditorum concurrere non debent,

debent, adscribimus. Antonius has adducit rationes: 1) quia tali casu adhuc est dominus rei venditae; 2) quia, si res adhuc extat, et agit adversus curatorem bonorum, rem vindicare potest a curatore bonorum, qui rem tenet, dum cum eo non contraxit; 3) quia, si res adhuc extat, eam vindicare potest, ex rationibus supra adductis. Cf. LUDOVICI *Einleitung zum Concurs Process. c. 9. §. 2.* Nobis sufficiat, ante alios creditores venditori rem restitui iubere leges. IVS PROVINC. PALAT. SVPER. P. II. tit. 20. *Ist ein verkauft Gut, so ausdrücklich vor eigen und ungeliefert, bis es ganz bezahlt worden; gehalten, zuvorderst von dergleichen Gütern auszusieben, und abzusondern.* IVS PROVINC. HOHENLOHCVM. tit. XI. §. 12. *Es werden anvorderst von des Schuldners Vermögen diejenige Güter und Sachen separirt, so nicht sein, sondern einen andern eigen gehören etc. Zu dieser sind zu rechnen etc. Das Gut so dem Schuldner um baar Geld verkauft, und von dem Verkäufer deswegen sich das Dominium oder Eigentum vorbehalten worden.* Sed ne quid dissimulemus, aliae constitutiones venditoris dominium reservantis ius vindicandi nonnihil restringunt, ita scil. ut in iudicio se dominium reservare declaret, vel, ut ex pretio retardato nullas computet usuras. Sic CODEX AUGVSTEVS tom. I. p. 2480. in Supplem. nr. 7. venditorem nostrum in prima classe collocat, si dominium in iudicio sibi reservaverit. *Rückständige Kauffgelder, wesswegen sich der Verkäufer das Eigentum oder die Hypothec an dem verkauften Gute gerichtlich vorbehalten, und darüber bey Lehn-Gütern consens erlanget, oder bey Erbgütern solcher bey der confirmation mit Anmerken, und in die Consens-Bücher mit eintragen lassen; ingleichen An- und Erbegelder, und Tagezeiten, wann deswegen ebenfalls die reservatio hypothecae oder domi-*

Additur  
restrictio.

nii, auf art und weise wie izt gedacht, gerichtlich geschehen, gestalt ausserdem dergleichen Kauff- und Erbegehern keine prioritäet zustehen soll. add. CONSTITVTIO PROVINC. BRANDENBURGICO - CULMBACENSIS. pag. 24. §. 2. Welchem auf seinem verkaufften Gut, ebe er dem Käufer dessen Eigenthum übergeben und aufgelaßen, das Unterpfañdt, oder wohl gar das Eigenthum daran, gleich bey abschluß des Contracts, oder bey der Tradition des verkaufften Guts, wegen des hinterstelligen Kauffgeldes vorbehalten worden, das hat auf den erkaufften Gut vor allen andern, so dergleichen älters lüs reale nicht erlanget, den Vorzug; Es wäre dann; dafs er sich solchen Rukstandt hätte verzinsen lassen.

In Novo Specimine (Proiect) CODICIS FRIEDERICIANI MARCHICI P. IV. tit. 9. pag. 331. insinuatio quidem domini reservati iudicialis exigitur, sed usurae ius venditoris non imminuit. Dignam existimo hanc Constitutionem, quam referam, etiam in reliquis: Verkäufer unbeweglicher Güther, die sich das Eigenthumbis zur Zahlung reservirt, und solches ins Hypothequen Buch eintragen lassen.

Es muß aber die Anzeige mit richtiger Benennung derer Güther, und derer Debitorum Vor- und Zunahmen geschehen: die Eintragung des reservati Domini aber darf nicht besonders gebethen werden, sondern die Landschafft, oder Lebens-Canzley muß solches ex officio notiren, und zu dem Ende den Contract fleißig durchlesen.

Vnd diese Praeferenz ex capite reservati domini hat auch statt, wenn a) schon dem Käufer das Gut tradiret worden, und dieser seinen Contract und titulum eintragen lassen, weil dieser titulus nur conditionalis ist, und durch das zugleich eingetragene dominium reservatum limitiret wird. b) Wann auch schon der Käufer nach verfloßener Tagezeit das Kauffpretium bey dem Käufer zinsbar stehen lassen, weil fides des Landbuchs

buchs, solang das *Dominium reservatum* nicht gelöscht ist, subsistiret: allermassen derjenige, welcher obgeacht des eingetragenen reservirten dominii dem Käufer Geld leihet, sich imputiren muss, wann er sein Geld, ebe das *dominium reservatum* gelöscht worden, bazardiret.

§. XX.

Ex his, si cuncta probe ponderentur, abunde constabit, in dominio venditori reservato characteres omnes, quos §. I. *dominium verum* constituere diximus, deprehendi. Venditor, adhuc dominus, alios ab usu rei suae potest excludere. Excludit interdum ipsum emptorem. Et si huic rem tradiderit, cum tamen nondum dominii participem esse voluit. Conductor, commodatarius, usufructuarius, rem quoque tenet, sed facessat idea dominii. Venditor, pacto nostro nixus, libere de re sua disponit. Obiicis: rem suam alienare nequit. Rem suam alienare nequit, quia iam alienavit. Emptione perfecta (perfectam autem statuimus §. V.) venditor iterum perperam vendit. Praeterea §. XVIII. ostendimus, ex iure alienandi dominium ab aliis negotiis dignosci non posse. Venditor pacti nostri beneficio rem suam vindicat §. XVIII. omnesque fructus, si velit, ex eadem percipit, §. XVII. Cur itaque non sustineat pericula?

Argumentorum epitome.

§. XXI.

Alias quaestiones ii, qui de pacto nostro commentati sunt, proposuere, quas studiosae persequi nunc non vacat, cum praesertim eorum decisio non tam ex dominio, quam ex contractus perfectione, aut certe executione, repetenda sit. Si feudum, a vasallo in scio domino alienatum, domino aperiatur; id et fieri posse videtur, licet emtioni pactum reservati dominii accesserit, quoniam istud contractus perfectionem non distrahit.

Quae sit pacti nostri vis in feudo vel emphyteusi, non requisito domino, venditis.

hit. HERTIVS *cit. loc. §. 10.* At hic iuris rigor non approbatur; quando feudum, nondum resignatum, multo minus, si nondum traditum fuit. *vid. STRVV. Synt. Iur. Feudal. c. 13. §. 9.* Hinc coniicimus, feudum sub pacto nostro venditum, nec dum traditum, a domino, poenae nomine, vindicari non posse. Ita vero, ut verum fateamur, in istiusmodi venditione illicita magis contractus executio, quam perfectio respicitur. Emphyteuta domino non approbante praedium suum vendens, non solum nihil iuris in emptorem transfert, sed et ius suum amittit. Res testatissima, atque in REFORMATIONE NORICA *tit. 23. leg. 12. roborata.* Cf. etiam superius citati B. BECKII *Dissert. de iustis caducitatem emphyteuseos inducentibus causis.* Verum haec thesis variis subiicitur exceptionibus; namque securitatis suae satis prospexit venditor, si non oblitus fuerit clausulae: *mit Vorbehalt eigenberrlicher Rechte.* CONF. IVS PROVINC. HOHENLOICVM *tit. 8. §. 3.* ORDINATIO PROVINC. NASSOV. *C. 7. §. 3. et 15.* Prospexit etiam, si fundum non statim tradat, aut dominium sibi retineat expresse, quae sententia est BECKII in *tract. de Iure emphyt. C. 9. p. 148.* *Ferners kan das Erb nicht eingezogen werden, wann der Erb-Zinffmann sich bis zur Bezablung des Kauffschillings das dominium ausdrücklich reservirt vnd vorbehalten bat; dan weilen in diesem Fall das Erbzins-Recht auf den Kauffer nicht transferirt worden, arg. §. 41. I. de R. D. et Acquis. Rer. Domin. l. 19. ff. de Contrab. Empt. welches jedoch der lex 3. Cod. de Iure Emphyt. allerdings erfordert, so kan dergleichen Verkauf und Übergab die privation nicht wirken.* Nunc qualicunque speciei inaugurali finem imponere liceat, quod, ut benigna fronte intuearis, a Te, Lector Benevole, summo peto, Tibique ac mihi a Deo immortalis eventus rerum precor exoptatissimos.





